

四庫全書

史部

欽定四庫全書

淳熙三山志卷八

宋 梁克家 撰

公廨類二

啓運宮奉迎神御所

神御七殿今州東開元寺始景德四年真宗詔西京建院藝祖誕聖之地迎奉神御祥符中賜名應天天禧以後至建中靖國六聖神御相繼為前後殿前曰繼明後

曰會真政和七年詔三門外立額曰應天啓運宮建炎
元年十二月遷東京景靈宮四年二月令幹辦官李啓
迎自温州權奉安福州三月至自温州七殿神御四殿
御容遂奉安開元寺大殿紹興三年九月勅以啓運宮
奉迎所為名

社稷壇

風師雷雨
師壇附

舊社稷壇州南七里並城以西地汙濕遇祭報趣戒閩
候官縣吏辦治唐大中十年觀察使楊發始遷於其西

今南潤寺之東為社稷及風雨師壇四

天寶四載詔風伯壇置社之東

雨師壇置社之西各稍北三數十步卑小於社壇五載詔遇祭雨師宜以雷師同壇共牲別置祭器時蓋用此

制也廣狹高下有制度齋廬皆具周回三十有九丈七尺

繕以崇墉為門東鄉其外闕二室南立雙表既成命攝

巡官濮陽寧為之記以防改易

闕遷新社記攝館驛巡官前鄉貢進士濮陽寧

撰大中十年夏六月公命遷社於州坤凡築四壇壇社稷其廣倍丈有五尺其高倍尺有五寸主以石壇風師其廣丈有五尺其高尺有五寸壇雨師廣丈而高尺自初獻訖終獻專一室有厦橫附二室皆南鄉備犧幣西鄉之楹凡二室龜墉脊道凡十有三條其繁折則三百九十有七尺繕垣凡百堵其高迭尋苞巨榕凡二十本

南北行延崇薨展階揭雙扉以東鄉其肩鑰焉其外北
東闕二室有廈其南立雙表及達功以十七日戊子起
冬十一月庚子畢謹案閩故壇塼南邪西隙蛙蟹濤輳
負蒲葦之濠家禽野牧觸踐無禁至祈報時率戒閩侯
官責辦與胥詳无權事其晴也雖重管不免於濡舄其
雨也必撐蓬以護綏瀆神勞人未嘗有寤者元侯關西
公既蒞閩其春具郡儀即社喟然顧曰吾鄉理蘇厥壇
惟更仍歲穰穰蘇人宜之今閩澆訛期將不萃首在茲
乎由是擇謹事者行故壇西躬取其地授之節餼嚴帑
非隱者除鳩工以掉畚鋤材以陶坯肩有歡謳杵無怨
築故擘錢垂十萬不徭一丁不斂一户而爽潔開拓四
壇鏤焉夫遷社於州坤右位也不書稷風雨尊社也禮
稱諸侯為百姓立社曰國社而厲山氏之農棄軌隆焉
共工氏之后土勾龍兼饗焉風秩雨班光昭舊典蓋先
聖王尊以示本均以行政未之改也惟我元侯敬恭於
上撫臨於下哉苛難慢顯晦咸寧繁條陰森如肅其享

自然克靈克序德致元侯而施於一方也是月牙將翁
行全牘其績歸成於公公曰壇邇浮屠祠爭出眉睫吾
患將來有醉浮屠者或易於遷徙焉苟非鐫琢則本末
無所彰遂以記徵百僚宁宁不得辭且拜命之辱謹用
二十九日戊辰獻記
云其碑隸書今存 偽閏時乃以其地為佛祠而遷壇

於烏石山之陰

今道清寺之側

皇朝元祐六年柯龍圖述闢而

新之建齋廳中門外之西為祭器庫政和元年詔立州

縣社稷風雨雷師壇之式頒圖於天下

是歲四月江東提舉沈延嗣奏

天下州縣社稷壇壝大率皆不如法乞按式作圖鏤板
頒下仍於壇壝之外別為大牆圍之外建一門常加封
鐫於齋廳立石刻增立法制守令上之三日躬詣於
壇所按圖修治從之九月孫龍圖琦立碑社壇今存於

是移風師壇西門外龍山寺之西移雨師雷師壇北門

外法雲寺之東惟社稷壇仍舊

政和五禮新儀州縣社壇方二丈五尺高三尺

四出陸稷壇如社壇之制四門同一壇二十五步風師雨師雷師壇皆卑小於社四出陸四門皆一壇二十五步療壇於神壇之左壇之外稍高於神壇瘞坎於壇之北壬地南出陸方深取足容物

廟學

廟學舊州西北一里唐大曆七年觀察使李錡移城南

始補生徒三十

獨孤及記成公始至禮先聖先師歎其湫隘乃助其地而大之

貞元元

和間學者益盛乾寧元年王鴻於州四門置義學梁龍

德元年忠懿置四門學以招徠四方之秀吳越時作新宮號使學逮屬皇朝學制廢壞太平興國中轉運使楊

克讓始作孔子廟景祐四年權州事謝微表請於廟立

為府學從之

是年八月二十九日勅福州奏擬試助教黃洵武及進士鄭洙等一百一十三人狀

伏見節鎮舊規許將宣聖廟立為府學頒國監之墳史給官籍之田疇雖廟貌攸存尚虧工葺乞脩門宇陳請監書許從建立當州體量所管一十二縣僅二十萬餘戶文物彌盛仕進實繁雖嚴宣聖之學堂未興府學之制度伏望特頒芝檢許復杏壇建立儒宮恢張聖域候勅旨牒奉勅許將文宣王廟立為府學所乞經書仰依近降指揮備錢於國子監贖置五年二月一日勅令本州勘會於逐年係官荒閑逃田內量撥五頃充州學支

用詔下微適罷去范都官允許駕部宗壽踵其事歷五載乃成糜公帑錢十萬植宇六十楹中設孔子與其徒高弟者十人像又繪六十子及先儒以業傳世者於壁有九經閣三禮堂黌舍齋廬旁翼兩序庖次井飲百用皆給康定二年沈都官邈增賜田延舊儒敷講經術乃立課程要束以示學者

是年朝奉郎秘書省著作佐郎充館閣校勘蔡公襄撰廟學記

并書治平圖進德坊內之北有文宣王殿今興賢坊是也熙寧二年圖進德坊之北又二州學坊坊內之北為文宣王廟是時廟學皆從西出也熙寧三年災郡人韓元祐外門自中門之南於是南出

昌國劉康夫等二百人以狀言於府請自創蓋無費縣官一錢程大卿師孟許之既而十二縣之士各以狀請於令如昌國等不一月集錢三百萬為門為殿為公堂環列十齋以居學者如其舊公堂之後又別為室以藏書為堂以講議為齋以處師長蓋合百有三十間自孔子以下至十哲塑像冕服更請制度自朝廷頒降熙寧五月中書批送下提點福建刑獄沈即中狀福州文宣王廟州學為火延燒淨盡及百姓人家一百三十七間州司見將本學官物收買材植蓋造次伏見至聖文宣王及亞聖十哲從祀之人諸州塑像冕服之制多有不

同蓋是朝廷未曾頒降制度乞明降指揮後批送然自
太常禮院檢生牒報學成之數年編修林希為記

是以前養士歲纔十數人元豐初始增至數十時孫公覺奏增

安福寺籍沒田范擴為記元祐八年王祕監祖道始至顧視狹隘不

足以處多士乃斥東西序之北二百四十尺增為齋十

合舊齋十而小學在中門外之左客次在中門外之右

外門直中門之南歲補生員五百紹聖改元王公祖道自為記崇寧

元年舍法行始自朝廷選擇教授增養士之額益廣為

三百五十一區是年十一月准轉運衙牒准勅罷開封府解額除量留五十名取土著人外餘

並改充天下貢士之數約度所在應舉人數多寡別立
定額所有諸州軍額各取三分之一添充貢士郡大或
應舉人多則度地之宜或因舊增廣量合教養人數置
立舍屋自朝廷選擇教授分教天下以太學三舍校試
法剛立頒降其升補上舍者聽每二年貢入太學每州
知通依發解條管勾每路選委監司二人提舉知通每
十日一詣學監司一
歲巡遍所部州學
有御書稽古閣二
即舊九經閣也
後改名經史大
觀二年御筆比聞諸州學有閣藏書皆以經史名者方
今崇八行以迪多士尊六經以黜百家而史何足云應
已置閣處可賜一養源議道駕說堂三
今養源
名稽古今書閣
齋二十

有八雷禮由智祖義隆仁崇德事道興能賓賢尚志逢

原愛日譽髦乂中端身通理嗣音明善拔萃遜志依仁

養浩育英致道蒸髦壯猷制勝小學自訟其後舍法罷

尋省為十二齋養士二百人

由興能事道崇德時習祖義智在東廡明善嗣音通

理端身隆仁舉髦在西廡外職事

有先賢堂

慶厯皇祐間陳先生

襄鄭先生穆劉先生彛皆已登仕籍鄉人尊師之與周先生希孟陳先生烈同號五先生紹聖初賢良陳賜始與提舉陳敦夫請置祠於學郡守溫公益從之遂立五先生祠政和中黃尚書裳復以間清校勘陳公祥道解經以怡學者宣和中余太宰深復以候官劉公康夫教授諸生為多其後又以福清鄭公俠節義著聞並圖像於學先是唐觀察使常袞配享學官政和中柯暘為漕自試院遷其父龍圖述生祠於學遂並稱為十先生又其後王端明祖道亦有功於學祀焉紹興九年張丞相浚言常公首倡儒風不可與後來者並列乃位常公

於中益以歐陽詹與諸公列左右乾道間有言陸公祐亦卿先生宜祀者於是為十三人 襄宇述古候官古靈人氣古行高與鄭先生穆周先生希孟陳先生烈為友時學者方溺於彫篆之文所謂知天盡性之說皆指以為迂而莫之講四人者獨以斯道鳴聞者笑之不為變守之益堅躬行於其家而達於州閭皇祐初知河陽縣富鄭公弼移鎮河陽厚遇之會入相以文學政事薦召試秘閣校理判尚書祠部權貴人奏乞寺觀名額且度僧道上令議先生執奏言近年以來自宮闕宦官以及要近一例陳乞蓋秉政大臣不為陛下愛惜典刑臣不敢奉行尋知常州熙寧初召脩起居注知諫院管勾國子監薦常秩陳烈管師常程願經明行修宜召為太學官遷知雜侍御史論青苗可罷召試知制誥先生言論事未能開悟聖意不敢就請外補上批其疏曰朕慕卿經術行已深惜遠去遂復修注尋知制誥兼直學士院適河決河北有詔先生視草以水不潤下為言中書

改之乞知陳州召還知通進銀臺司除樞密直學士判太常寺兼侍讀卒年六十四有文集三十卷紹興初上得先生所薦司馬光以下三十三人奏草降詔褒嘉馬穆字閎中篤學修飭歷國子監直講太常博士熙寧中為岐王侍講陳先生襄為臺雜疏言府僚不可不謹擇人神宗曰如鄭穆德行乃宜左右王也出知越州元祐初入為國子祭酒時楊王荊王請為侍講除直集賢院楊王贊善太學諸生復上書乞為師範除祭酒未幾請解職許之五年除寶文閣待制復為祭酒踰年乞骸骨提舉杭州洞霄宮閣中范祖禹上疏穆年雖過七十祭酒為國子師非藉其筋力願留之以示朝廷貴老尊賢之意太學諸生請留者亦數百人皆不報公卿大夫太學之士設祖道供張於東門外辭決而去卒年七十五希孟字公闢通五經尤邃於易取孟子闢楊墨之義以為名而字焉初與鄭先生穆為同志友後得陳先生襄陳先生烈相與講貫力主斯道既而劉先生彞

以問學顯名復與定交學者師慕之知州劉公夔曹公
穎叔蔡公襄皆親至學舍質問經義既而部使者相繼
論薦詔賜粟帛授將仕郎試國子監四門助教充本州
學教授先生三表力辭不許尋以病終年四十二門人
曾伉陸宣朱敏中許將曾默范鐘陸術王晦林璋等七
百人相與塑像立祠堂於崇福寺元符中太守率寮屬
致奠焉有詩義十卷易義十卷春秋義三十卷雜文二
卷烈字李慈甫年十四繼失怙恃水漿不入口五日
自壯迨老恪奉如事生特立獨行非禮不言不踐雖御
童僕如對大賓慶厯中蔡公襄為守下車之始以書問
閩俗利病先生條利害二十篇獻之嘗謁襄留建溪灘
詩以諷之襄為齊威嚴先生通三代之禮凡婚冠喪祭
悉遵行之雖博學如陳先生襄劉先生彞皆問禮焉皇
祐五年周先生希孟及鄉老柯懷祚等舉先生文行太
守以聞詔授將仕郎試秘書省校書郎本州教授三表
辭不許復授守安州司戶叅軍充國子監直講又辭元

祐元年授宣德郎致仕其後監司復薦落致仕為州學
教授改京秩凡六考不願磨勘不受廩祿敝衣糲食裕
如也卒年七十六有孝報經三卷授其子丞 彛字執
中少師事安定胡先生初為胸山縣令恤孤寡平賦斂
作陂池教種藝振游惰或類其事為一書曰治範熙寧
二年召對言聖人之道有體有用自文取士不以體用
而尚聲律浮華則風俗偷薄上悅授都水監除兩浙運
判移知虔州歲饑民多不舉子俗尚巫獄訟尤多彛為
三勸以諭之在任四年奏課連最加直史館知桂林以
元祐六年卒年七十先生著書以皇極為本述七經中
義有文集三百二十卷 使字介夫嘗從王安石學舉
進士調光州司法秩滿至京師會安石秉政為具言青
苗免役用兵之害不答復數以書論之亦不報久之監
在京安上門時初行免役及收市利錢會大旱河東北
陝西流民入京師先生畫圖為書勾馬遞以聞曰如行
臣之言十日不雨乞斬臣以正欺罔之罪又自劾擅發

馬逸上覽疏歎息終夕不寐翌日詔韓維等體量發常
平倉放商稅務及諸門稅錢三十文以下市利錢二十
文以下青苗免役方田保甲並罷凡此類十八事民間
譴呼相慶遂下詔責躬求言越七日大雨上出圖示宰
執且責之安石遂力求去薦呂惠卿執政先生上書言
安石本為惠卿所誤今復相拔援以遂前非不為宗社
計又疏切諫用兵他語譏大臣甚衆并詆臺諫如芻蕘
木偶惠卿怒以為謗訕編置汀州移英州先生徒步赴
貶所居十年陳先生襄在經筵薦司馬光而下竄後言
先生忠直哲宗登極放還用蘇軾孫覺等薦除泉州教
授秩滿諸生偕留州奏得再任元符元年再貶英州徽
宗登極遇赦東歸復為泉州教授崇寧初又勒傳尋復
將仕郎卒年七十八建炎間詔錄熙寧元祐忠謹子孫
中書舍人林逋以聞紹興初贈朝奉郎授孫嘉正官嘉
正終朝散郎知建昌軍祥道字用之博學尤精於禮
嘗著禮書王安石以聞詔尚書給筆札以進除國子監

直講遷館閣校勘兼太常博士卒年五十二有論語解
行於世康夫字公南從周先生希孟學知州張公伯
玉元公絳程公師孟皆慕重之熙寧中五路置學官有
請以康夫主番禹學進志述二十七篇其文皆羽翼詩
書根柢仁義元祐三年以六舉談恩先唱名二日卒年
五十三鄭先生使表其墓祐字亦顏刻意學問為甫
田簿荆湖廣南路宣撫司准備差遣福建茶事司幹辦
公事所至有惠愛察識冤枉於茶法講究尤不苟每謂
摧無良法能以仁恕存心寬其禁網使公家不失大利
之源足矣與使者論辨不屈泉南當海舶運輸之衝使
者欲復市易公曰此漁奪之術言之切至乃止盡心職
事不求榮進或勸以治生笑不答讀論語尚書中庸大
學反復玩味究其止歸居毋憂終喪不忍去墳墓不隨
俗之好尚亦不顧人之是非率以禮經從事既老里居
士大夫狀其質德乞添差教授本州
帥葉公夢得以聞從之命下而卒
紹興十年張丞相

浚增養士為二百四十人

紹興九年十月張丞相浚奏
據州學學生陳備中等三百

三十八人狀竊見本州科場赴試至七十餘人補試終
場二千五百五十五人今繁籍學生五百餘人本學養

士止二百人額每人食錢止一十九文餘皆供給不到
乞別給田五七頃仍以五百人為額不報明年奏以寧

德芹溪院籍沒田入學許之遂增
養二百四十人教授張洙為記 乾道改元王參政之

望定三百人為額

教授馮攄為增
田廣士額記

淳熙四年陳丞相俊

卿始創射圃南北十三步東西五十步有奇仍創亭以

序賓今歲春秋補終場各五十餘人取五百人養士三

百人

祠廟

武烈英護鎮閩王廟釣龍臺山之西昔漢遣使封王為
閩粵王授冊命於此其後即此立廟武帝既誅郢封繇
君丑奉王祭祀居股繼之及殺餘善以降祀遂廢至唐
大中十年建祠後唐長興元年閩忠懿王復追封為閩
粵王皇朝因之號顯聖武勇王見慶曆記廟有左右二王相
傳王二將也不顯姓氏英靈間發惠祐一方土人世事
之熙寧中閩兵出戍熙河二王現雲端大戰獲捷政和

間復戍桂府征蠻之際二王復現降大電飛黃蜂以退
蠻兵宣和二年浙寇竊發連陷數郡將及境俞提刑向
自建安領兵南下黃蜂數萬隨舟蔽江居民咸謂神兵
之助境內帖然迺五月大新祠宇建楹之日有青紅二
小蛇蜿蜒香几間累日暨上梁俄又見其兩端舉首北
向移時即隱六月以儀曹陳璉奉二王像入廟二蛇又
現七月廟成俞公向臨奠前夕夢有神人青色謝以遷
祠者祀事畢青蛇忽現左王前神色如所夢瞻歎久之

禱右王曰願賜臨降尋亦現邦人信敬益篤州以其實

聞於朝十一月勅賜廟號武濟

並見俞提刑向廟記

六年進封閩

粵王為鎮閩王二王左封靈應侯右封顯應侯建炎四

年王加封武烈靈應侯加廣惠顯應侯加嘉澤紹興三

十一年膠西之役舟師禱戰獲捷王加封英護夫人封

贊靈左侯加協威右侯加翊忠

州諸廟惟此廟夫人坐東王坐西以廟尚循漢

制漢尚右故也

明德贊福王廟西湖之旁

後賜城牆城外為湖

昔閩粵王鄧開州

西大路畚土成立後人即其地立廟

郢塚在閩縣東田中

血食不

衰自唐大厯以前閩城通得祀者四南臺善溪城隍與

此而已

見檢校太傅陳郢烏石廟記

累封至本朝為明德贊福

見慶厯記

善溪冲濟廣應靈顯孚佑王廟鼓山之北大乘之南山

峽間有二潭下潭廣六丈深不可計

距上潭五里

昔閩粵王

郢第三子有勇力射中大鱔於此潭其長三丈土人因

為立廟號白馬三郎唐貞元十年觀察使王翊旱禱得

雨崇飾廟貌自後太守躬禱輒應

唐太和元年觀察使張仲方祈禱回屆聖

泉寺雨已至遂題詩曰入門池色淨登閣雨聲來團練
副使李貽孫和云旌旆憂民至風雲逐馬來團練判官
李敬叟和云雨隨青障合雲拂畫旗來內供奉彭城
侍御和云雲陰隨雨度桂馥逐風來今詩牌在聖泉唐
咸通六年觀察使李瓚奏封龍驤侯梁貞明中閩忠懿
王奏封弘潤王本朝建隆二年知閩縣江文舉葺廟有
記慶厯六年六月旱蔡公襄齋戒自為文禱讀徹大雨
乃命知縣賈太冲新其祠文學范宗韓作記熙寧八年
勅封冲濟廣應王紹興十一年以張丞相浚奏增封靈
顯仍賜廟額曰永寧十七年秋大雨中夜水暴出聲聞

數十里詰朝有石高廣可二丈峙廟後如堵水左右注
庭除無恙人異之紹定五年李大卿駿以靈應如響奏
增封孚佑淳祐八年陳侍郎堽為鄉帥以田疇缺雨率
知閩縣師輿致禱有驗因閱廟前華表扁曰鱣溪詢其
故則土俗疑傳以鱣為靈不知王親殺鱣以為靈也其
可以鱣名溪乎遂判云善溪龍潭以神能體天而福善
利澤可蘇焦槁故以善得名方言誤以為鰈鱣之鱣鱣
微物也豈能化為龍近乎誣神矣帖縣宜與改正閩令

承命易扁以善溪名鉉梓祠下云仁者樂山知者樂水
山水之性是豈專乎仁知哉亦惟人之所樂然耳故易
曰仁者見之謂之仁知者見之謂之智閩之東舊有鱣
溪分三潭神實居之雨暘禱必應今帥守侍郎可齋陳
公以旱親謁於上潭之石壇精忱洞徹疑其稱謂之訛
遂舍魚而取諸善善嘉號也心善淵也字心畫也茲非
善者見之謂之善乎退而考諸廟諱則鱣之為說前守
尚書郎王公陶嘗辨析之謂其類野老言不足據可齋

之名斯溪也一洗痼陋善與人同千古在後德厚流光
越王之宅斯土也一靈如在福善好直百世在前有德
必祀柳子省愚溪之對昌黎寢惡溪之文吉水廉泉慈
湖直瀆蓋將齊聲並價而不得顯美矣豈惟人樂斯稱
吾意神亦歆是名矣昔唐人守古枯有善政改惡溪名
好溪後世美談今溪以善名事有類是用敢併書眉山
師興立郡人馬載書梓劉自書扁

忠懿王廟慶成寺之東王諱審知字詳卿姓王氏本琅

瑯人高祖曠唐貞元中為光州定城令遂世為固始人
黃巢之亂王與兄潮從王緒入閩景福初攻福州兵馬
使范暉殺之詔授潮廉帥乾寧三年拜威武軍節度觀
察處置等使明年潮卒王代立天復初勅列十二戟於
私門天祐元年封瑯琊郡王三年閏十二月勅立王德
政碑銘禮部侍郎于兢之文也碑今立廟中梁開平二年加封琅瑯王尋
進封閩王後唐同光三年薨年六十四冊贈尚書令諡
忠懿王奉身儉約至躡敝屨聚書建學以養閩士之秀

者屬諸邦僭竊獨遣使出海道奉朝貢民不見兵革殆

三十年晉開運三年地入吳越錢氏始命即正舊第立

廟開寶七年刺史錢昱復繕新之塑故都押衙建州刺

史孟威等二十六人配饗自為記政和元年羅殿撰畸命

雪峯太平主僧重修畸自為記云過忠懿王祠歎其陋甚竊自惟曰浮屠氏好談因果以

動世而忠懿喜營塔廟其功德在佛之徒為多若使反其所施以治其廟像是使浮屠氏之說益信也聞雪峯

太平主僧足以任事乃諭之未閱月而成紹興二年州官吏以廟摧圯宜致

嚴飭請於郡張叅政守乃出公帑令知閩縣李公彥董

其後既訖功率官吏祇謁祠下

四年何大圭記

自唐以來碑記

銘今存

東嶽行宮偽閩所建東華宮之太山廟也

見淳化四年節度掌書記

承直郎試大理評事兼監察御史裴詢所作福州東華宮太山廟記首云四時代謝東方立生殺之權五岳辨

方泰山掌生死之籍蓋本宮中之廟也

錢氏時廟祀始盛

記云王氏既滅斯師治民斯廟

也玉宇恢廓金殿崢嶸乞福人多紙錢飛雪祭神客衆竹葉成池陰司之部從克全地府之曹察畢備

大

中祥符中既以東華宮為天慶觀廟乃獨為東嶽行宮

自是祈獻愈多屋宇浸廣

城隍廟府治之東古有之

元祐戊辰長樂人林通作本縣圖經內縣東北城隍廟曰

廟之神西漢御史大夫周苛也守滎陽為項羽所烹高祖休兵思苛忠烈乃令天下州縣附城而立之廟以時

祀

晉太康遷城即建今所紹興二十七年沈待制調增

創廳宇尋置興福菴其東淳熙五年前作更衣亭肅儀亭今十二邑皆舊附縣治置

五通廟通津門之外河南岸舊記亦名龍官廟相傳王氏入閩州邑間井許民咸得立祠斯廟之址昔懷遠驛之地也景德中葉辰陳熙等所建康定元年陳紹濟僧

懷軫與其徒復創屋七間有進士方嵩為記

記云古筆
峯之上游

宅石渠之左界
地廣表周回十尋

時所至廟祀郡大姓咸世事之今不

衰

惠安明應王廟烏石山之西王姓陳氏舊隱是山

廟碑
云心

遊典墳性愛山水遊息於宿猿之洞闕臨乎落景之平
注山下舊有古跡結石垂藤號宿猿洞山號朝陽頂落

景沒而顯靈唐元和後始立廟凡水旱疾疫必禱焉大

中時羅中丞祈雨霰立應咸通間李大夫運餉湖湘亦

獲陰佑至閩王忠懿乃表其事曰寧遠將軍封武寧侯

增至顯應王後唐長興三年改服遼昌運王後五年改振義保成王又十年改貞閩安吉王後歸吳越封宣威感應王先是石人娘舊廟於城西忠懿王移以配享別創閨閣永隆庚子驍衛長史彭城文遇又於堂東北隅為寢室屬檢校太傅陳郅撰碑銘猶存皇朝熙寧八年改封今號

剛顯廟烏石山之巔公姓周氏諱朴本吳人唐末隱居於此與僧靈觀薛長官逢友善雙峯寺法主大瀉寺懶

安更為禪悅之交黃巢之亂求公得之曰能從我乎公

曰我尚不仕天子安能從賊遂遇害後人即其山立三

賢祠

觀逢與公為三雙峯寺亦有三賢堂法主李中丞瓚及公也

紹興初張丞相浚

謫福州將遊雙峯夜夢一僧與一金紫人及白袍士來

謂翌日登山堂見三公容貌如夢中異之及為帥遊烏

石至公祠歎公死節三百年未有廟額何以激厲當世

乃奏之詔賜號剛顯郡人鄭昂記而序之曰東漢之衰

陳蕃李固孔融之徒相與標榜以節義名世故雖以曹

公之陰賊終身睥睨漢室不敢取唐末名節掃地君子
在野小人在位朱溫以斗筭穿窬之才談笑而攘神器
士大夫亦欣然與之莫敢正議使公得志其肯以國與
人乎乃為詩以貽來者俾歌以祀公詩曰公昔隱居烏
石岡老觀禪師同道場法主懶安共徜徉李薛咨參互
擊揚擺脫利欲心清涼是以能全此至剛黃巢兵亂來
福唐公力抗之不肯降欣然引頸齒劍鉅白乳上湧如
雪霜老賊自謂暴無傷纔殺半人於南方

巢斬公白乳
高一尺五寸

時懶安聞巢至生蛇去已入塔以劍斫塔白乳
高三尺巢與人言自入閤繞殺一人半而已公無爵

位在周行史臣不書名不彰後三百年丞相張夜夢三
賢與迎將翌日遊山登公堂宛如夢中貌昂藏再來為
州剡奏章賜名剛顯烈有光葺祠為廟飾棟梁普與州
人奉有觴於薦荔丹與蕉黃歲時來享以為常我作銘
詩刻其旁千萬億載死不亡

北廟遺愛門之外去州十里王姓劉氏諱行全唐末事
其妻兄王緒為將緒為秦宗權所逼拔其軍南徙以王

為兵鋒至漳州緒忌而殺之忠懿有國悼其死非罪為

立廟州北

時烏石廟號南山廟故指此為北廟

乾寧四年奏封武寧侯梁

初累封昭感王凡出師捍敵陰助顯著貞明五年備以
聞於朝進封崇順王棟宇宏麗有果園稻田歲殖其利
祀事以給時移事變廟宇圯壞皇朝政和二年知懷安
縣吳與始名祠旁寺僧諭之乃築高寢其後設重扉於
前周垣脩廡黻濯皆具舊有從祀三人亡其名氏始遷
於外示有別也既成與自為之記時帥張殿揆勸為書

其額

石頭廟嚴勝門之東北舊記無諸王時民轉漕往浮倉
於此祈福因有磐石故名之今東湖地形是

浮倉近蓮華山下闕

粵轉漕以備東甌之地或者遂以爲舊嘗建府治於此非也

昭利廟東瀆越王山之麓故唐福建觀察使陳巖之長
子乾符中黃巢陷閩公覩唐衰微憤已力弱莫能興復
慨然謂人曰吾生不鼎食以濟朝廷之急死當廟食以
慰生人之望既沒果獲祀連江演嶼本朝宣和二年始

降於州民遂置祠今所五年路允迪使三韓涉海遇風
禱而獲濟歸以聞詔賜廟額昭利建炎初建寇犯西閩
吏民奔走乞救於神俄頃雨雹交下盛夏如冬時平地
水尺賊惶怖而遁道連江欲掠之見士馬雲布而去四
年封褒應王子姪九人皆賜列侯知西外宗正嗣濮王
仲湜為記

鍾山肅安王廟子城西梁普通二年袁士俊捨宅為鍾
山寺王其寺之土地也後唐長興三年閩惠宗始崇建

廟宇龍啓初封感化將軍永隆二年改玄應將軍明年
進封洪音侯塑立夫人像晉開運三年江南兵至攻城
王有神助李仁達升拜武靈王夫人封號昭德漢天福
十二年改肅安王建堂三間亭一間周廣順二年林嗣
宗為記皇朝以來寺遭藝者再火及廟輒減元豐五年
里人復修之

龍跡山廣施廟懷安縣興城里唐林謂記廣德中一日
清晝雲雷騰震有飛龍自地出驟雨石上遺跡可數寸

歲為大豐遂名其地為龍跡山太平興國之後遇水旱有懇輒應民立廟祠之竹椽茅屋蓋草創也嘉祐四年春不雨知縣樊紀初禱祠下還未五里甘澤傾澍於是撤屋為堂易茅以瓦脩廊崇宇廟貌儼肅紹聖元年知縣洪子著禱之復然而所潤不過邑境洪以白帥王祖道謁之即日大雨乃創亭其右為駐節之地三年復旱又以白帥葉伸請與簽判偕行是日於炎烈之中倏然變為滂沱者繼日大觀三年知縣吳與以祠迫通衢屬

有禱亟得乃命僧營葺基山為殿即亭之背列齋室設

庖厨前臨大溪又建亭其上名曰沛然自為文記之又有

西湖陳文伯為記

政和五年以轉運司奏賜額廣施

武勝王廟今南臺教場之北

見治平熙寧圖舊記南臺節後知此舊別有館也今

猶呼館前廟

舊傳陳九郎神偽閩通文二年封寧應侯永隆

五年改昭義侯尋升武勝王熙寧中丁少卿竦重建

見

師建記

宣和二年既大新武濟廟釣龍臺西復遷左右二

侯像於武勝王廟以便民祠祭七年俞提刑向乃新廟

宇靖康初江待制常立額為武勝王左右二侯廟

靈澤廟通仙門外廟舊號五龍順化王塑位五方配以
方色相傳偽閩王氏所建本朝因之載在祀典皇祐中
久旱邑人祭於廟雲霧晝瞑暴雨大霑即殿中視之北
位黑龍鱗甲猶帶池萍如乍出水靈跡顯異紹聖四年
溫公益命知閩縣葉默因其舊增葺之重堂夾廡輪奐
一新元符改元廟告成有神光發於殿屋是冬大旱麥
苗將枯井泉幾涸率僚屬禱祠下讀祝未畢陰雲四合

飛灑隨至命侯官尉王壽刻石書之

太觀三年勅應天
下有五龍會應廟

處合依原封王爵稱呼青龍神封廣仁王赤龍神封嘉
應王黃龍神封孚惠王白龍神封義清王黑龍神封靈

澤王乾道二年夏不雨王公之望一禱而應歲則大稔邦

人曰廟未有額無以彰神之靈乃為請於朝詔賜號靈

澤知閩縣丁長卿為記廟旁有田及蓮塘二十餘畝州

許蠲租以僧掌之

淳熙十四年安撫賈選奏以
舊制改作會應廟事見後

九仙安境侯廟光孝觀之北偽閩永隆元年封光威振

遠將軍

是年十一月牒九仙龜七即可封上件或云
本龜靈也元有青白石二片盛貯木座見在會

同十年加封安境侯

制詞云閩府苦於多難近致承平得非神福其善而善者興禍其淫

而淫者敗九仙山光威振遠將軍夙嚴祠宇久尊是邦幽贊伊人炳然慕義是致封疆大肅黍稷長馨苟虛褒

美之恩曷報

告牒今存

時廟祝皆命官先是龍啓二年勅太祝院祝生陳興可銀青光

祿大夫檢校太子賓客兼監察御史上柱國制詞云勅祝生陳仁遇等每脩祀典常覩正辭告天地以誠虔致神祇之響應宜行獎擢豈愆官榮可依前件至永隆元年牒兼殿中侍御史餘如故三年牒兼侍御史餘如故告牒今並存可以見當時之政矣

効節護君侯廟南澗寺開運二年卓岩明所封告今存

制詞云奉宣昔當國山名烏石地布黃金乃西乾釋子之居曰南澗去山之寺寺有龍神善護神於像代宸靈

從他社鼠稷蜂應難託附任爾心猿意馬終被區分但予隱憾之時往還斯境受五通之加備致萬姓之推恩亦嘗許與封崇報於昭感今則因追舊諾爰沛新恩俾陰德之為侯處名藍而作聖所宜初中後夜冥扶三寶以勤拳過現未來無怠雙林之付囑前件天王寺土地可封効節護君侯開運二年五月日

利澤廟甌冶池之南紹興四年有龍晝見於池郡為立祠乾道二年王叅政之望以禱雨獲應為請於朝賜是額

威勝侯廟

館前治平熙寧
圖有南殿廟

河伯保勝侯廟

湯
卷

資利成寶靈應侯廟

錢作前偽閩
鑄錢監所

姑娘廟

西湖見治
平熙寧圖

應聖侯廟

河口

惠民侯廟

河口

鎮寧侯廟

怡山
門內

鎮武侯廟

浦尾

保安王廟

河東

竹林通應廟

仁慶坊丁戊山之麓竹
林之墟神興於此立祠

廣贍侯廟

閩縣前

會應廟通仙門外舊號靈澤淳熙十四年安撫賈選祈

求屢有感應乃新廟宇

教授許衍為記

是歲九月奏改今額淳熙

十四年十二月二日禮部狀准都省批下福建安撫使賈選狀照得福州去歲自入冬以來亢旱日久麥不入種徧走群祀寂無感應按之圖籍本州通仙門外舊有五龍廟塑位五方配以方色靈跡顯異選遂具辭致禱一念方啓雨勢頓作奠祭未徹大雨隨至連夕霽霽四郊霑足又於十二月二十八日并今年正月二十日以大小麥垂熟陰雨不解遣官致祭皆一禱而晴二麥悉獲收刈選緣是時拘於近制不敢陳乞恩典止給錢委官新其廟貌自是節次祈禱無不響答又今年六月初三日本州以早禾已熟晚田闕水亦一禱而雨至六月

二十日選齋捧御香躬詣祈雨感應稍遲選詳思其由
再以圖籍考之見得大觀三年禮部符備坐勅命天下
應有五龍會應廟處自合依已封王爵稱呼青龍神封
廣仁王赤龍神封嘉應王黃龍神封字惠王白龍神封
義濟王黑龍神封靈澤王今福州五龍廟亦是五方龍
神其廟號封爵自合遵用大觀三年指揮而今來廟額
乃因乾道二年守臣禱雨有應失於檢照遂請於朝以
靈澤名額而邦人又止以偽世舊號呼為五龍順化王
度神之意恐或在是乃於二十六日具此意默禱且約
如獲感通當為奏請乞正大觀廟號封爵是夕大雨傾
霍累日高下之田悉賴以濟兼福州諸縣所在多是高
仰山田水澤易涸踰旬不雨即以旱告前月二十九日
選又因闕雨遣官祈禱方書祝文雨勢大至日夜不止
今月初二日告謝甫畢即漸開霽次日晴明越十日又
雨兩日而止非獨晚禾賴以成熟而一歲再播之田皆
有剌水悉得秀茂豐登可望委是有功於民一邦之人

倚以為命欲望特賜敷奏照大觀三年指揮正其廟號
封爵給降誥命并舊額勅牒以彰靈異以慰邦人之願
伏候指揮後批送部勘當由尚書省本部尋行下太常
寺檢照到國朝會要東京會應廟春明坊五龍祠元祐
四年七月賜額先是熙寧十年八月信州言州有五龍
廟禱雨有應賜廟額曰會應自是五龍廟皆以此為名
額大觀二年十月詔天下五龍神皆封王爵青龍神封
廣仁王赤龍神封嘉應王黃龍神封孚惠王白龍神封
義濟王黑龍神封靈澤王本寺今勘當欲乞將福州五
龍廟從國朝會要大觀二年已封王爵廟額一體稱呼
本部勘會今來本官奏照得福州去歲入冬以來亢旱
日久麥不入種遂具致禱一念方啓雨勢頓作奠祭未
徹大雨隨至又今年六月內晚田闕水一禱而雨及今
年七月內又闕雨遣官禱祈雨勢大至委是有功於民
欲望特降眷旨照大觀三年指揮正其廟號封爵給賜
誥命并舊額勅牒本部照得今來本官奏到前項事理

應得國朝會要合行一體稱呼其本官奏陳乞給降告
命勅牒於本部雖無似此條法指揮今來本官奏福州
諸縣高仰山田悉得雨秀茂豐登可望委是有功於民
一邦之人倚以為命本部今勘當欲乞朝廷特降指揮
從大觀二年已封王爵廟額指揮給降勅劄下本州照
會施行申聞事十一月三十日奉聖旨依禮部勘當到
事施行

淳熙三山志卷八

欽定四庫全書

淳熙三山志卷九

宋 梁克家 撰

公廨類三

諸縣官廳

國初諸縣惟有令尉間置主簿後始置丞縣視民最親
近去郡遠者至六七舍民望得賢縣官吏束手請命即
百里蒙福臨莅聽決可不先治其所哉自縣立官設廳

事室宇隨備歲久更葺或易地遷創往不可記已矣見

於文籍不可略也閩縣廳嘉祐七年重建

後陳知縣鑿池開軒名曰

魚樂有曹偉翁谷陳漸留題長篇熙寧四年知縣呂百能始立題名記

仍創主簿廨縣東

隅崇寧間始置丞即縣東南故駐泊杭越蘇營地為視

事所

時崇寧四年也紹興壬申縣丞林亮功始立題名記

尉舊治城東

今漏澤園地

紹

聖元年既造浮橋乃移置南臺故城外巡檢廳蓋今所

也

宣和甲辰尉丘立之重建

候官自唐貞元徙治郡城天聖初大創

廳宇令據西南主簿居其東崇寧中又分取主簿之東

以為丞治所

縣所梁題天聖元年正月二十八日建主簿及丞廳梁並是年閏九月二十八日建

尉廳舊出怡山門西建寇焚燼旋為教場至今寓龍山

寺

今豐樂門外

懷安以石岳為縣自咸平始天禧改元纔二

十一年棟宇傾頽令與簿尉協力畢新之更建勅書樓

其南

吳延年為記

三年新作大門設漏鼓警昏旦

陳愷為記政和

二年吳與為令易置犴獄於縣西

舊在縣東以異天下郡邑之式乃移於西

增創宴息之地為十六所

舊止熙春堂及東廡而已至是堂曰日休曰難老曰秋興

廳曰海棠亭曰邃芳曰鍾樂曰正已閣曰歸雲曰碧蘆軒曰洞隱曰竹軒樓曰清輝齋曰西齋曰清虛

禁

絕陶竈通道南浦作新亭仙蹟山之巔

並見教讀張讀記

舊縣

門內左簿右尉熙寧中尉方叔完遷解於邑之東簿始
居右崇寧中置丞治於其左建寇之難威勢無遺其明
年令黃卓簿唐允創復其舊紹興十七年尉張夔乃能
新之惟丞至今寓靈光寺連江邑解重建於治平四年
其西主簿廳熙寧辛亥再創崇寧三年增丞職輟居之
而更置簿治於縣西南

今丞廳熙寧四年十月建時未有丞知是簿舊廳也今簿廳乃

崇寧三年
三月建

尉廳在縣東南如故改造之日元祐六年八

月也長溪四履曠遠縣治廣四十步袤一百一十步元豐改號所建循舊址也縣故有丞其廨大門內之右慶厯六年所重創雖元祐暫省至崇寧復舊簿在東門之內尉在東門之外簿治久廢寓資壽院西廡尉治則慶厯三年再葺也元祐增置一尉曰西尉自始即以西門外西禪院為廨

建炎二年六月建寇葉儂攻福州寧德羅源縣皆遭焚蕩時潘中為長溪宰提

兵策應道遇賊戰死縣治賴以全蒙恩贈五品得朝請大夫與二子恩澤長樂名縣在郡名

之先

天寶始以州為長樂郡

自上元移縣今所始建廳事於西北

隅為燕室皇祐中令吳仲舉創惜陰軒其西熙寧五年

令蕭竑即燕室東南作堂曰求誨

竑自為記曰古之君子莫不克己以求天

下之善言納之以寬思之以靜擇之以正然後行之以果焉雖其所行有大小所造有遠近而未嘗用明以忽人之是作氣以拒人之忠也孟子曰子路人告之以有過則喜孔門之能是計非一人而孟子獨稱子路然者愛其剛勇過人而自克以從善矣脩身且然況治人乎夫治人者心雖無愧而事有未察行雖無失而人或見欺不能師古訓以廣其智資諸人以裨其不逮則毫釐之差有莫大之謬又況自賢以求勝人者乎以予之愚於脩身未能有得而又辱一邑之寄恐懼脩省安敢怠遑凡退息是堂庶幾閱圖籍以探聖賢之意接寮友賓客之論以益見聞至於匹夫匹婦辨訟之際其言或中於理而可申與夫悖於理而可戒以退息之靜皆得以

謹思而審求之
以為愚者之誨
元豐中權令施聞於其北作望雲軒元

祐二年令袁正規又於廳堂東西創憩息之所
廳之東盡心軒

西絃歌堂求誨堂之東仰止
簿始置自曾孝傑始初建
軒西樂古堂西北月臺

廳事縣西南隅東為亭曰清心西為閣曰待月時元豐

七年也尉舊治縣市
今文行坊尉廳故基也旁有高隍廟乃昔尉高氏嘗事神曰高將軍

下車日於廨宇之側立廟今猶存
後遷縣東南隅
前有吟石大中祥符中尉陳伯孫所立有

間亭熙寧中尉陳師韓所立有攬翠
元祐初省主簿尉
軒又元祐三年立並見元祐縣志

復徙其廨後再置遂即東南為主簿廳
今主簿廳縣東南尉廳西南

福清雖縣號數易廳治不改熙寧三年崔宋臣為令始

大新之後遷主簿解於縣門內之東

舊在縣右驚峯路口

明年置

丞又明年令胡景道為創廳中門內之右七年重建尉

廳中門外之左古田自唐歸化於環峯複障間得平陸

版垣墉三百步立官解太平興國徙水口端拱復舊

景德

初李堪為宰在縣墻西甃義井一

宣和二年創便坐廳事之旁曰靜軒

曰舫齋曰陽春亭曰飛鵠堂乾道初令楊汝南復創齋

其東曰不欺

自為記云客曰三不欺者皆古之賢令尹公欲兼而有之乎曰予所謂者不欺於心

求在我縣初有令尉簿簿解縣之側淳化中廢詔以尉而已
兼馬後復置尉廳本縣東南紹興十年移行衙右元豐二年增置西尉建治教場間紹興八年郭昭仲闢所舍之西為堂曰隱史乾道六年遷教場西門外重架廳事居之崇寧置丞於縣西為解永福舊令尉二員止尉廳縣鼓門內之西元豐二年始置簿廳即縣東隅四十步創崇寧置丞又拓鼓門內之東為廳建炎三年火沿縣以東丞簿廳皆災陳炎為宰趣調二役僅措立縣宇紹

興改元王禹同繼之乃建外鼓門樓至二十一年令葉
秉彞補葺蓋造乃備是時丞簿寓重光寺二十三年矣
吳庭表為丞秉彞仍與創復舊治獨簿至今猶寄重光
西廡若尉治則無所改易崇寧三年尉江信攝縣事所
重建也閩清以稅場為縣近起乾化草創陋狹大中祥
符初史溫為令上事之月守嚴辟疆適至一見而知之
於是去宿弊興滯利不一歲稱治

縣記云征口之耗登戶輸之損益金穀之

逋負辭牒之稽留胥吏之侵漁兼并之驕僭寇壤之聚集匪現之淫祀緇流之偽濫契券之欺詐封漁之交爭

稱責之倍息俾自陳而改張責伍保而督察又列為簿
領制以闢防彊則抑之弱則舉之懲之頑惡誨之孝悌
戒之游惰勸之播種養生送死
節用知方未踰暮月一境咸格既為之建學立社設市

井置射場表分閭巷界定村落陸涂則布石水渡則造

舟

置越客舟以備迎送又為雙舟名曰仙槎亭亭之行有二小舟從焉

民大說之矣大姓

者四十四人乃鳩財以願葺公宇為請首新令廨次置

勅書樓有臺曰勵俗齋曰無惑閣曰退食樓曰將歸有

亭二內曰北堂外曰星徽至於官僚釐務之所靡不修

蓋其外則鼓門之右有南昌閣公圃之內有波心亭廓

開公庭徹視通路民有訟訴罔有不達

時民有訴告令相追究未嘗遣

一吏攝一民面自窮理至則遣之以是囹圄多空招攜疲瘵給以曠土寬以租賦樹以室廬因其登穀誨其儲

蓄不急之用無或為者秩滿去官所有惟記時主簿已廢琴書所得惟民謠皆祥符三年溫自為記

壞宇猶在後復建治平改元尉廨以州司戶沈安國攝

邑乃修復之熙寧元年五月霖雨薦作山谷百水爭出

前去數百步大江復漲溢民廬漂沒官舍亦遂蕩然有

僧遠思等餘八十人以住院遺積請任其役閱四月為

屋五十七楹規模始大於前故獄舍在東南隅遠不可

察視遷創於內時知縣徐絳也

絳自

為記淳熙四年十二月

災其明年正月令朱榮視事以二月調役閏六月告成

令簿尉解以次悉復寧德縣本鹽場令簿尉承舊四廳

建炎二年建寇皆焚之紹興改元令趙誅之更創丞縣

西尉又在其西簿二十八年始移治故驛舍地

今館驛即舊主

簿廳今縣南羅源自慶厯八年移解宇縣北時令陳偁也

偁延平人開渠以膏民田人號永利渠作亭以來商征

且燕息於是人號陳公亭新孔廟以勸民學數年學優

而仕知名者衆人曰陳公之門人既去而人思之元豐

中守溫陵士人父老越境迎之數十人爭奏酒肴陳詩

云壺漿壓境來迎拜猶記溪山舊主人元祐中聞其計
邑人相與聚哭者三日元符改元為立祠堂余太宰深
時為太學尉兼舊令尉二廳簿亦坐建寇建炎三年令吳
正為記

賢始建縣宇尉猶草創其廳事淳熙六年尉施炎乃克
為之簿自紹興四年初置寓水陸寺淳熙二年災其明
年王葵為簿始即寺建廳事此其諸縣興造廢革之大
槩也若縣故各有回車院縣官率先後秩滿移此以俟
代者懷安天禧初改創古田祥符初以廢簿廳為之長
樂元祐初簿廢尉遷入其廨以所居立斯見於碑志者

他可知矣今皆無之

諸縣社壇

社稷宰邑有之從古然也風伯雨師附社稷壇左右雷師之祭寓雨師壇自唐州縣同制五代干戈蹂踐無禁潔夷繕飾取具臨時皇朝景德祥符以來申戒嚴飭諸縣以次脩舉至政和頒降圖式或乃改創焉閩縣故壇南臺尉廳之西紹興二年始移於西南今法海寺北候官烏石山下於縣亦為西南政和元年始建齋廳懷安

在縣東北舊矣政和二年吳與為宰援據禮典正位西

南見教授張讀記長樂福清皆去縣西南一里如故古田壇今

縣西南景德二年李堪始立壇二於縣東記云廨垣東趾曰縣學學

左顧曰正廳一祭器房四自初獻至終獻與陪位者齋

宿有所祀事畢引鄉老秀民效鄉飲酒歌豐年時人稱

之闕清大中祥符二年史溫亦始置社稷壇縣西南隅

壇左右風伯雨師壇各一其南植雙表北為亭以待三

獻堪溫皆自為文記之寧德自有縣以來建於白鶴巖

西政和二年徙西南置惟連江長溪永福各分置壇近縣三所如郡之制連江社稷壇縣西南風伯壇縣西雷雨師壇縣東北長溪社稷壇縣西南惠海山下風伯壇縣西明宗山下雷雨師壇縣東北龍泉山下永福方位如二縣皆政和後作也

諸縣廟

唐制縣學立孔子廟釋奠以令丞主簿若尉為三獻本州唐以前諸邑故行之矣巢寇之後毀廢殆盡皇朝始

漸建廟景德中詔定縣令丞主簿三獻之禮是時令之
賢有才者間請於郡自建學然作者尚寡慶厯四年詔
諸郡置學二百人以上許更置縣學若民力未給許姑
就孔子廟或繫官屋宇於是建學者始衆然教養規約
人自為之職事生員大率略具耳崇寧初行舍法乃詔
學置學長一人學諭一人學長掌一學之事學諭以經
術訓導諸生委州知通教授選老成有行藝為閭里所
推服者各給俸祿縣以不繫省雜收錢充諸生在學一

年從學長諭考選以報令佐審驗升州學仍置小學擇
可為教諭者十歲以上願入學者聽之惟倚郭縣皆不
置時學各增建齋宇逮舍法罷重以兵火圯壞者相繼
後率更創猶有舊制焉閩侯官蓋倚郭縣閩縣以萬歲
寺補山下候官以縣治之東為宣聖廟慶厯後皆嘗修
完閩縣慶厯中始建治平甲辰重修候官縣先聖神座
自熙寧九年正月二十八日縣令方叔完塑像并建
廟後崇寧三年舍法行二縣學並寓府學西北後罷今
知縣莊誼重修府學今春秋釋奠即廟行事而已懷安故有亭北門道

南為祭所大中祥符四年主簿陸東乃於縣東隅為廟
自為記嘉祐二年知縣樊紀復移於縣西擇地之勝崇建

學宮講堂敞嚴齋室閤靜中尊夫子殿配享以十哲圖
七十二弟子傳經諸儒於壁塑孟荀揚韓王五賢於堂
闕小學祭器庖廩咸具周先生希孟為之記舍法行增
至八十一區建災中建寇焚毀紹興初改創縣東齋二
資深日新與小學為三連江嘉祐三年修廟為學政和
初廣之凡四十三區有善養堂齋三篤信好信武士及

小學軍興久廢紹興七年林覺為縣之三月改作於縣

東南背長汀面雲居邑人林日華率陳元禮林芑林錡

等緡錢萬有奇助之重門修廊魏殿中峙有緡經閣駕

說堂更為四齋富文能信移忠懷忠

邑人李侍郎彌遜為記

淳熙

八年以學與夫子東向非宜改為面南

用邑人鄭侍講鑑之言也陳惇

宗率生徒為之

長溪學縣東南慶厯中築羨湖地以建元祐二

年移東門外以建善寺地為之五年仍舊大觀二年知

縣葉安節重創為屋八十八間大風拔毀明年復葺凡

四十六區齋四近智養智崇智好智外小學長樂學宦
古起唐乾符四年建於縣東南皇朝宰董淵吳仲舉蕭
竑施聞踵繕治莫能就元祐戊辰袁正規既視事亟議
修建邑人林通者作縣圖經命鬻之得錢二十萬縣富
民皆相與出力乃仍舊殿新之背殿有堂翼以兩序為
齋十二歲種田十二斛更蓋房廊後圃餘十間以佐給
費時養士幾一百人

見林通圖經及林總學記

崇寧初增至五十三

區後舍法罷多省廢今齋二依德進德與小學為三福

清學縣東元豐元年廣廟地作崇寧初增至八十四區
有稽古堂邑宰方叔完市錢塘書籍以儲齋三親仁依
仁武士及小學古田舊學廨垣東趾其地也景德二年
李堪為宰毀淫祠三百一十五撤佛宮四十九取其材
植為縣廟學位先聖列十哲繪七十二子二十一賢及
孔伋以下大儒至唐韓愈氏九十六人有亭一曰函丈
臺一曰舞雩又閣一曰草玄校典一人主緇牘禮生二
人主奠謁躡屨贏糧來就學者蓋多國初時視諸邑獨

盛

堪自為記

嘉祐二年陳昌期領邑事復修之

昌期自為記

崇寧

初增至九十一區有九經閣會道堂左右序為齋八精

義達義遵義思義抱義由義摩義喻義外小學紹興元

年建寇盡焚之寓講所於佛屋三年令周彥耀始作創

於邑西郊七年諸生林好古陳禹卓冠與其邑人裒金

錢百餘萬請還學景德舊址於今二十四年湯選許之

歲終告成像塑繪事講堂齋室祭器庖廬皆備

李廣又為記講

堂之側有應沙軒林好古為記

永福學在縣東崇寧元年修凡五十二

區有養士堂齋三敦行修行武士及小學建炎三年火
紹興間復修建有四齋傳文敏行履信懷忠閩清學縣
東南令史溫上事之三日謁廟無所即議建禮殿於縣
東南廢廩地召鄉之秀民謀之既建塑先聖十哲像其
壁畫六十子及大儒乃營樓閣齋室庖廩以來諸生肄
業講堂一談經樓三閣五續創學舍三十區外又
創善養堂祭器庫嚴奉軒
大中祥符二年溫自為記 紹聖元年
祝聖為宰陳公暘初擢制科第邑人同請於令

以小學作堂以祀其兄館閣校勘兼太常博士至崇寧二年增為四十一區有養士堂又為齋三教中教和有造淳熙五年火令趙鞏之復創為齋十二教中教和進道經德有造能信移忠敏行會文興能升俊養正寧德學縣南嘉祐三年以省地建崇寧二年增為四十二區又建創齋四東富文移忠西敏行能信復於學內省地建小學羅源廟學縣西南慶厯中令陳偁創延鄭先生穆為師以勸民元祐六年令袁符移於縣東

為今所崇寧初增至九十九區齋五篤禮彰禮由禮善
禮好禮及小學建災間遭藝建兵後重創

諸縣倉庫

闕

二曰省倉三曰常平倉

闕

於此其旁置場聽民

闕

既多隨產科賣無產者謂之

闕

從多

寡於此取給閩侯官懷

闕

此六縣者由

南臺倉搬請以

闕

連江

閩

長樂福清此六縣者各地產鹽

閩

餘運納南臺倉雖海倉逐邑

閩

納至縣給賣則又各置倉場縣東西

連江在縣西南羅源在縣西之側建

炎二年知縣吳確重創寧德在縣門內之西亦兵火後重創長溪福清皆縣門內之西長樂縣內

天聖

六年四縣罷煎漕課猶命鬻縣鹽惟長樂嶺口福清海

口二海倉如故

嶺口倉去縣東二里舊在臨水渡側熙寧中運使賈青移此海口倉去縣東二

十五里嶺口有監倉一負廨舍在縣尉廳之西海口倉以監鎮兼管政和中鹽本不給官

吏趣辦漕額謂民產浮鹽可米償因仍至今倉場皆在
也省倉者咸平四年始置初諸邑輸米悉趨都倉至是
大理寺丞馬易從奏諸郡外縣合銷糧草令順便受納
於是勅各置倉閩侯官懷安以倚郭不置餘九縣皆置
連江永福皆縣內之西福清縣門外之右長樂去縣西
半里長溪縣之東南羅源寧德皆在縣東建寇焚毀其
明年羅源再創寧德至紹興二十八年乃更造古田閩
清皆在縣側古田兵火後再創閩清淳熙四年災明年
更造其後水口雞萊兩鎮置寨又分兩倉凡十一所隆興
二年以連江民赴都倉輸米便自後科撥歲止十倉常

平倉者皇祐元年始置初詔州置常平翰林侍讀學士

宋祁以為遠縣鄉保力農之家無繇霑被是歲州始以

常平都數量戶口多寡分九縣置倉

連江縣西廡福清縣門內之左永福

在縣東隅去縣四里崇寧三年建長樂縣西長溪縣東寧德縣門內之西紹興元年創六廡乾道七年增創一

廡羅源古田閩清與省倉同

康定二年復義倉法元祐中許於常平

倉別項椿管隆興元年州始撥還逐縣義倉合管數目

明年連江既併赴州倉常平獨八縣受納若縣錢庫有

省庫國初州縣錢物悉以係省始置有常平庫與倉同

置於皇祐元年有免役庫熙寧五年起催免役錢置閩

候官省庫各縣廳西常平免役移丞廳置餘十縣並縣

門內

福清縣廳西街上長樂縣廳側舊建連江縣東乾道三年重建羅源常平庫在縣廳西省役庫在縣

廳東建炎三年重建寧德省役庫在縣西紹興元年建淳熙六年併歸省庫以免役庫為架閣庫常平庫舊在

縣西紹興二十八年移在縣東古田懷安皆縣廳西皆建炎兵火後建其後有經制總制抵當米價錢各併就

庫眼惟長溪運司免役常平抵當庫縣西經制米價庫縣東元豐元年重建永福省役常平庫縣東經制

抵當雜交庫縣西錢庫外各置架閣庫

建炎三年重建

諸縣鎮務

祖宗時州城都務臨河務號裏外稅務二務之外惟九縣十務而已閩清長樂羅源寧德長溪永福連江福清與古田裏外二務是也是時閩安鎮特遣赴臨河務輸稅爾非別立征課也黃崎鎮雖自閩時為稅場實屬長溪縣務海口鎮乃福清主簿兼監西自漁溪

地名漁溪
徑有徑港

東及海口皆入縣額水口鎮即古田外務也自太平興國至明道景祐間州較虧剩只十二務見於文籍如此景祐二年水口鎮始以兼轄馬鋪巡監四年閩安鎮始

輪裏外務官兼監治平二年海口鎮始以鍾門巡檢兼

監其後或復用縣官或別差官然稅額如故熙寧初乃

增置懷安縣務

十縣務舊並號茶鹽南稅務後罷科賣茶只號鹽商稅務今雖民產錢鹽不支

給其務名及務官帶銜如故

政和八年遂定十縣務及四鎮正額閩

安鎮閩縣東南八十里除州輪裏外務官監外黃崎鎮

長溪縣西一百五十里

崇寧四年就建市易務以鎮官兼有碑記

水口鎮古

田縣南八十里海口鎮福清縣東二十五里皆自朝廷

差官主之懷安福清以縣官兼古田長溪連江羅源寧

德閩清永福長樂嘗專置監務尋罷惟古田閩清連江

羅源四縣今存紹興二十六年減併閩安鎮臨河務明

年復閩安鎮獨罷臨河務乾道元年州置稅亭河口津

淳熙五年併懷安永福寧德福清縣務皆罷明年復四

縣務州仍於美化門收河頭稅錢若候官有候官鎮舊縣

治懷安有雞菜鎮今五縣寨長溪有峯火鎮今峯火寨蒲門鎮今抵

溫州界連江有北交鎮三砂鎮皆今縣東永福有永泰鎮今縣郭下

羅源有飛泉鎮今飛泉渡舊皆不征商惟長溪白沙務紹興

二年置十年以稅額令黃崎管認罷寧德關隸鎮號長
境渡口縣故有欄脚巡稅永福辜領務元豐三年置登
冲務政和三年析辜領稅額置舊在歸義里後
移湫口埕渡縣故許
百姓買樸紹興二十六年並罷

諸縣祠廟

縣祠廟率里社自建立歲月深遠一邑或至數百所不
可勝載也姑取有事跡姓氏封爵廟額者記之閩縣金
崎廟去縣七十里晉康帝時漁人釣於此得金鑠二尺

因詔立廟

見舊記詳見海道

侯官福頂廟縣西南號古靈其山

之陽有神居焉唐天復三年始降於義興社後遷於吳嶼已乃遷此每歲孟春土人競祭以祈福於是以福頂名山政和八年賜額昭惠紹興十九年封普濟侯二十年加威顯乾道三年又加靈應連江大小亭廟縣東江口晉時有黃助兄弟二人漢黃香之孫也舟回自海南至是遇風兄弟連臂浮於江岸夜則畫沙成字表其履歷復見夢於鄉人曰為我南山作墳北山立廟吾能

辟災降福如其言里無虎豹之患建鹽亭獲其利人號其兄廟為大亭弟廟為小亭永隆元年大亭號浮濟將軍小亭號昭遠將軍爐峯廟縣北號東鄉唐景福中王

氏入閩淮民隨之始至有桴浮香爐及書硯

濶尺餘今存

漂

於岸側其人異之曰此吾州杜三郎故物也因創為祠通文三年號高義侯永隆元年改稽聖侯保大中升為

靈瑞王

鄭簽判南鄉為記

又靈津侯廟相傳始有物浮波間達

境上睨而視之石也衆異之遂立廟今有唐勅誥漫滅

不可讀長溪韓將軍廟縣北莆門鎮前漢橫海將軍韓

說也

見舊記又云陳五官廟

馬郎廟縣東北晉元帝時司馬浮入

閩後為江夏太守溺死鄉人思之為立廟長樂植柱廟

縣南唐開元中有神降於察山之陰乘大木泝湍流而

上漁者林生負以趨下還不旋踵復泝而至如是者三

心異之取而置石室下遠近望之若植柱遂以名廟嘗

有洪氏女浣紗其旁見若銀卮浮水中褰裳探之水漸

深為蛟所吞其家訴於神不終日雷雨暴作剝蛟於水

濱得女屍蛟腹中洪氏感涕虛其居刻所取木為像塑

其女配焉景祐中縣尉王侯以禱雨獲應倡里人更立

廟宇紹興三年賜額顯應慶應中潘奎為記通津廟縣東南永

隆四年封通津侯有勅牒云惟神稟氣幽玄効祥甌治享惟馨之廟食幾換星霜回不測之

陰功動諧舒慘既彰通感是切依憑凡因舟船之去歸皆契威靈之保護今得申舉爰示封崇宜欽優異之恩用著聰明之德事福清昭靈廟縣南六十里號余坑其須承制封通津侯

山之陽有神降焉古老相傳昔張仙師乘鐵舟抵浮山

海旁古舟痕猶存舍舟而陸憩於磐石有住舟步履跡陟而北留巨跡

鹿蹤於蒼石之上

記云步石而成獨跡可尺有二許今在廟中許難詩玉鹿帶符來月苑鐵

船擁旆下星河

天禧元年邑人高贊率衆為立廟

皇祐中陳熙

寧十年封保禧真人

言其室溪流易平崗捍濤致雨護餉弭兵有功在民無德不報紹

興八年賜額昭靈三十年加封妙應乾道三年又加普

祐有釀酒風

歲六月社民集祠其下時燂熱酒善酸敗輒旬日北風以持之號張公釀酒風浙商

常候以便

盧焦石

高數丈海濤激激為龕岩玲瓏之狀或採為池亭玩必致譴怪

昭應廟

縣南四十五里閩王牙將盧雄也嘗戰沒於漁溪因立

廟號通感王紹興二十六年賜今額永福狀口廟縣東

南二里姓陳氏居烏石山兄弟九人皆著奇節沒而為神初置永泰之年溪潦暴漲有若枯木沂而上者數四乃湫口祠所刻像也邑人柯氏取之即今廟之址累石為室奉焉民禱祠或樵牧過者往往石室中獲銅錢開寶中號湫口通靈護境廟

嘉祐七年黃彛為記

紹興元年賜額威

顯九年封靈貺侯古田寧境廟縣西一里唐開元中大姓劉強率其部歸於州始立縣卒之後邑人思之為立廟號寧境景德中李堪為宰毀淫祠數百獨不廢侯祠

未幾民請遷之乃更立今所

嘉祐中修陳琮張彥博為記

崇寧二年

賜額惠應政和二年封順寧侯後加正應靈淵廟縣北

五里舊號羊角龍王廟紹興十四年賜額水口孚應廟

縣南八十里舊號川陸廟紹興二十七年封英濟侯閩

清梅川廟縣西舊有之相傳姓陳氏乾德二年鮑脩讓

以水不傷廟封為侯天聖四年淫雨為沴水橫流民居

高陵皆墊溺廟在其下獨不浸潤

五年權縣卻賀為記

紹興元年

賜額德威三十年封昭顯侯南山德懷廟縣南姓陳氏

同年立紹興三十年封英惠靈顯侯龍王廟縣三十五

里宣和三年立政和六年賜額顯利

鬼神之為德不可揜也而每為巫姬

所累李堪古田縣記云風俗秕穉特甚怪誕戾常箕裘於神祟禍福出口巢人怖疑以求所欲浸蔓也乃灰淫祠三百一十五所化其壞成嘉穀二百一十三畝慶厯中蔡公襄為守尤深惡疾家依巫索祟之弊蓋非獨古田然也二公憤惋至矣然不擇貴賤愚者常易惑不問富貧弱者常易欺故風俗至今未能盡革每一鄉率巫姬十數家姦民與為道地遇有病者相為表裏既共取其貨貲又使其不得訪醫問藥以死如是者可痛也夫愚弱者必賴聰明有氣力者救助教誘之仁者不可不知

淳熙三山志卷九

欽定四庫全書

史部

淳熙三山志卷十五

詳校官監察御史臣沈孫璉

檢討臣德生覆勘

總校官進士臣朱鈐

校對官編修臣吳裕德

謄錄監生徐彩

欽定四庫全書

淳熙三山志卷十

宋 梁克家 撰

版籍類一

墾田

園林山地池塘陂堰等附

州境分畫自蕭梁始前望建安後抵南安則今郡界也
時莆田屬南安異時地曠民稀事簡役少在隋猶以為一閩縣
耳唐初撫定遂復以州名之豈丁甿日滋庸調浸繁不

可以縣治耶世運推移迄今又五百餘年廢興相環制度不知幾變矣田苗之隱核戶版之登耗簡稽之詳略吏廉之衆寡欲循初至末悉言之未能也姑取其籍於今者而繫其說於後云

墾田四萬二千六百三十三頃一十八畝二角三十三步

民戶三萬五千三百八頃七十二畝一十三步

寺觀戶十千三百二十四頃四十六畝二角二十步

園林山地池塘陂堰等六萬二千五百八十八頃五十

一畝二角四十五步

民戶四萬六千七百八十七頃九十二畝一角二十步
寺觀戶一萬五千八百頃五十九畝一角二十五步

閩縣田三千三百五十八頃二十五畝一角一十四步
民戶二千五百四十六頃六十畝三角三十五步
寺觀八百一十一頃六十四畝一角三十九步園地
等三千三百五十二頃三十二畝一角五十七步民
戶一千七百二十五頃三十三畝二角二十三步寺
觀一千六百二十六頃九十八畝三角三十四步
侯官縣田二千九百九頃九十三畝二角九步民戶
一千九百二十九頃二十六畝一角五十五步寺觀

九百八十頃六十七畝一角一十四步園地等八百	二十四頃九十六畝一角三十五步民戶四千九百	四十六頃二十三畝四十三步寺觀三千七十八頃	七十三畝五十二步懷安縣田二十六百三十四	頃五十一畝一角一十六步民戶一千八百四十八	頃八十畝三角五十四步寺觀七百八十五頃七十	畝一角二十二步園地等四千八百五十二頃七十	畝二角四十四步民戶二千八百二十七頃六十一	畝一角三十八步寺觀二千二十五頃九畝一角六	步福清縣田五千三百三十頃八十七畝三角一	十三步民戶四千六百五十一頃一十八畝三角三	十五步寺觀六百七十九頃六十八畝三角三十八	步園地等五千三百二十九畝七十九畝二角一十三步	民戶四千九十八頃九十畝一角五十九步寺觀一	千二百三頃十九畝一十四步長溪縣田八千	二百六十八頃三十四畝九步民戶七千七百一十
----------------------	----------------------	----------------------	---------------------	----------------------	----------------------	----------------------	----------------------	----------------------	---------------------	----------------------	----------------------	------------------------	----------------------	--------------------	----------------------

四頃七十二畝一角五十二步寺觀五百五十三頃
六十一畝二角一十七步園地等七千八百三十六
頃三十九畝一十八步民戶七千三百七十五頃八
十三畝三十九步寺觀四百六十頃五十五畝三角
三十九步 古田縣田六千九十頃四十一畝五十
三步民戶五千四十三頃八十二畝二角一十六步
寺觀一千四十六頃五十八畝三角三十七步園地
等七千二百二十九頃一十七畝一角五十九步民
戶四千九百一十六頃六十畝三角五十八步寺觀
二千三百二頃五十六畝二角一步 連江縣田二
千五百五十七頃五十六畝二角三十五步民戶二
千二百六十五頃九十九畝二角四十三步寺觀二
百九十一頃二十六畝三角五十二步園地等三千
三百九十三頃一十五畝二十步民戶二千九百四
十九頃三十三畝五十九步寺觀四百四十二頃八
十一畝三角二十一步 長樂縣田二十四頃一十

一畝二十四步民戶一千八百一十二頃四畝一角
寺觀一百九十二頃六畝三角二十四步園地等一
千六百三十五頃九十九畝三角三十二步民戶一
千三百九頃二十六畝二角四十九步寺觀三百二
十六頃七十三畝四十三步永福縣田二千八百
二十八頃三十五畝二十六步民戶二千三百八十
九頃七十八畝四十步寺觀四百三十八頃五十六
畝三角四十六步園地等八千六百九十三頃五十
四畝二角一十九步民戶四千一百四頃七十七畝
四十九步寺觀一千九百八十三頃七十七畝一角
三十步閩清縣田二千一百一十頃一十五畝一
角三十二步民戶一千七百四十九頃二十五畝二
角三十三步寺觀三百六十頃八十九畝二角五十
九步園地等五千四百六十二頃四十九畝二角三
十步民戶四千三百七十九頃七十五畝二角二十
七步寺觀一千八十二頃七十四畝三步羅源縣

田一千六百九十一頃七十五畝三角三十九步民
戶一千四百二十三頃九十九畝二角三步寺觀二
百六十七頃七十六畝一角三十六步園地等三千
四百六十二頃一十九畝一角二十三步民戶二千
六百八十四頃八十畝三角三十二步寺觀七百七
十七頃三十八畝一角五十一步 寧德縣田二千
八百四十八頃九十一畝三步民戶一千九百三十
三頃二十二畝二角七步寺觀九百一十五頃六十
八畝一角五十六步園地等五千三百四十三頃七
十六畝三角五十四步民戶四千八百三十四頃四
十五畝三角二十四步寺觀四
百八十九頃二十一畝三十步

初偽閩時墾田一萬四千一百四十三頃一十六畝有
奇白配錢二萬三百八十四貫四百有奇斛斗九萬二

千七百餘石外官莊田不輸夏稅惟徵租米八萬一千

三百四十八石有奇皇朝太平興國五年有言兩浙大

戶租賦反輕貧下之家輸納則重

是時本州隸兩浙

乃詔朝臣

王永高象先赴州相度於是官私田產槩命弓量以偽

闕時沿徵白配錢米滾為租額均定總夏稅錢二萬三

百八十四貫有奇苗米十七萬三千九百四十餘石

咸平

初始分折科

未幾復詔著作佐郎李安再至始蠲異時諸雜

沿徵物色更以官私田產均為中下兩等定稅中田晦

產錢四文四分米八升下田畝三文七分米七升四勺

園畝一十文丁人輸錢百總為夏稅錢一萬五千六十

三貫二百六文米一十萬二千五百二十八石四斗六

升八合

沈存中筆談載兩浙錢氏時田畝米三斗太平興國六年遣王方贊定稅悉令畝出一斗謂不

可循偽國法惟福建猶循舊額蓋當時無人論列遂為永式豈存中未之攷乎咸平初夏稅及

身丁錢總二萬九千七百四十四貫有奇大中祥符四

年詔放身丁錢獨夏稅七千六十九貫有奇自後苗米

一十萬七千餘石

慶曆中見

元祐中產錢八千五百九十九貫二

百一文三分三釐米一十一萬一百五十五石三斗四升三合建炎以來夏稅僅增舊額七千有奇米仍舊紹興十九年行經界法田以名色定等鄉以舊額敷稅列邑之地各有高下肥磽一鄉之中土色亦異於是或釐九等或七等或六等或三等雜地則或五等或三等或多

者錢五文米一斗五升

今獨閩縣晉安西鄉產錢五文七分三釐七毫候官石門鄉米

二斗五升七合如他邑皆錢自四文以下米自一斗以下有差最少者錢一分米僅合

勺以今墾田若園林山地等頃畝較之國初殆增十倍

夏稅比祥符後加一千餘緡苗米比慶厯後加四千餘石

戶口

祖額主客戶二十五萬九千二百九十

主戶一十七萬一百三十七
客戶八萬九千一百五十三

主客丁三十八萬六千五百六十二

主丁二十五萬八千五百九十一
客丁一十二萬八千五百七十一

今額主客戶三十二萬一千二百八十四

主戶二十一萬一千五百九十
客戶一十萬九千六百九十二

主客丁五十七萬九千一百七十七

主丁三十九萬二千三百二十七
客丁一十八萬六千八百五十

閩縣主戶二萬二千二百三十二口四千一百八十
三客戶一萬五百一十三口一萬八千五百一十

三侯官縣主戶一萬九千三百七十一口四萬四
千二百五十五客戶七千五百四十五口一萬四

千九百三十五懷安縣主戶一萬六千三百七十
三口四萬九千八百六客戶六千九百三十七口

一萬六千五百七十五福清縣主戶三萬七千八
百九十一口一萬四千六百四十七客戶一萬六

百二十一口一萬四千四十七長溪縣主戶一萬
九千九百八十九口六萬一千七百一十九客戶

二萬六千三百三十五口三萬四千七百七十四	古田縣主戶 <small>闕</small> 萬四千一百四十三口六萬二千七百六十三	客戶九千四百八十二口二萬一千八百二十八	連江縣主戶一萬三千八百八十四口	闕萬九千四百一十四	客戶四千八百三十口一萬二千二百三十九	長樂縣主戶九千一百五十六口四萬七千二百一十九	客戶四千一百八十一萬八千三百三十八	永福縣主戶九千五百八十一口一萬一千二百七十六	客戶一萬一千七百八十六口一萬六千三百六十八	閩清縣主戶七千八百四十六口一萬五千二百七十七	客戶六千七百一十二口一萬一千一百九十七	羅源縣主戶九千一百三十三口一萬三千二百五十六	客戶三千二百五十六口五千五百四十四	寧德縣主戶一萬一千八百四十九口二萬三千六百四十三	客戶七千四百口一萬五千五百三十二
---------------------	---	---------------------	-----------------	-----------	--------------------	------------------------	-------------------	------------------------	-----------------------	------------------------	---------------------	------------------------	-------------------	--------------------------	------------------

七閩人民自周職方已有其數矣經秦歷漢徙寘江淮
道亡巖谷其存有幾吳永安三年始屬建安郡是時戶
僅二千四十二口一萬七千六百八暨晉太康分置晉
安州戶始三千八百四十三口一萬九千八百三十五

林世程志

永嘉之亂衣冠南渡時如閩者八族其後增四千

三百至隋一萬二千四百二十

並舊志

唐開元三萬一千

六十七

元和郡國志

富庶蓋如是矣建中之世戶十二萬九

千五百二十二口二十一萬七千八百七十七

通典元和

戶口消減至一萬九千四百九十四

元和郡國志

百闕謂元

和中供歲賦者浙西東福建八道戶較建中纔四之一

志書戶三萬四千九十四口七萬五千八百七十六此又是開元以後盛時之數也

豈藩鎮擾亂

吾閩雖無與其還定安集亦不能如往時即皇朝德澤

深厚邦民皓首不識兵革以故生齒繁毓國初主客戶

凡九萬四千五百一十景德一十一萬四千八百六十

二

九域圖

治平一十九萬七千一百七十六

治平圖志

元豐二

十一萬一千五百四十六

九域志

建炎以來戶主二十七

萬二百有一口四十萬七千三百四十四

建炎以今較圖志

之戶加建炎五之一口加三之一

按吏部格式建隆元年勅應天下縣據見

管主戶重升降地望取四千戶以上為望三千戶以上為緊二千戶以上一千戶以下為中下又開寶六年勅

五百戶以下為下縣自今後三年一度取諸道府見管戶口升降景德農田勅諸州每年申奏丁口文帳仰

旨揮諸縣差本村三大戶長就門通抄每年造帳本縣據戶數收落仍春李終聞奏大中祥符二年升降數目

閩縣八千三百五十二戶候官七千五百二十九戶懷安七千七百九十三戶福清八千四百七十六戶古田

六千八百五十戶連江五千二百二十戶以上係望縣長溪三千八百四十戶永福三千六十七戶長樂三千

六百三十五戶以上係紫縣閩清一千八百三十一戶羅源一千四百七十一戶寧德一千四百六十戶以上

係中縣景祐四年重行升降等第地望閩縣八千三百
五十二戶侯官七千六百四十六戶懷安七千七百九
十三戶古田六千九百二十二戶連江五千二百二十
二戶福清八千四百七十六戶已上元是望縣不該升
降依舊為望縣永福三千六十七戶長樂三千六百三
十戶長溪三千八百四十戶元是紫縣不該升降依舊
為紫縣閩清一千八百二十一戶羅源一千四百七十
一戶寧德一千四百六十戶已上是中縣不該升降依
舊為中縣而官戶二千四百四十三戶閩縣六百三十戶
安三百四十七戶福清一百四十四戶長溪三十
八戶古田三十二戶連江八十一戶長樂一百
四十戶永福一百三十六戶閩清一百一
十一戶羅源五十三戶寧德三十六戶
一千四百七十四戶閩縣一百七十八戶產錢二百三十
三貫四百六文侯官一百二戶產

錢三百一十四貫四百四十三文 懷安一百六十九
戶產錢二百二十四貫七百二文 福清一百九十四
戶產錢一百六十三貫五百五十六文 長溪一百三
十四戶產錢七十九貫六百八十一文 古田一百六
十一戶產錢一百二貫四百八十八文 連江九十五戶產
錢九十貫四百八十六文 長樂七十三戶產錢五十
二貫三百三文 永福七十戶產錢七十九貫七百八
十四文 閩清八十八戶產錢六十貫八百三十五文
羅源六十一戶產錢五十六貫二十八文 寧德四
十九戶產錢五十一貫四百四十六文 已上共為產錢
一千五百九貫七十八文 並
係舊產除無名寺觀外上件 可謂盛也已

僧道

舊記繫帳僧三萬二千七百九十五人童行一萬八千

五百四十八人

今繫帳僧一萬一千五百三十人童行二千九百一十

五人道士一百七十人

閩縣僧一千八百八人童行四百八十八人候官縣
僧一千九百五十人童行五百七十七人懷安縣僧八百
七十一人三縣道士共一百五十人福清縣僧一千
四百人道士七人長溪縣僧一千二百五十七人道
士一人古田縣僧一千一百一十二人童行八百七
十八人連江縣僧五百八十六人長樂縣僧四百九
十四人童行一十二人道士三人永福縣僧五百三
十二人童行二百七十八人閩清縣僧五百六十六
人童行一百六十七人羅源縣僧四百九十二人童
行一百四十八人道士八人寧德縣僧七百六十四

人童行三百一十
一人道士一人

舊記謂僧戶與民參半以今籍較之直民田五之一今
民田若地八萬二千餘頃食民五十七萬九千黃中小
老不計浮屠氏田若地二十餘頃食僧徒一萬四千餘
人是民七人共百畝而僧以二人食之民產錢八十緡
有奇僧寺一千五百不啻當民八之一以故州常賦外
一切取給於僧寺有以也夫

淳熙三山志卷十